

STOPHORI LAVRENTII BILDERBECKS *Bibliotheca Iuris Publici præfixa dem Teutschen Reichs - Staat, Lipsiæ 1709. 4.* atque ex recentiori, eademque auctiori editione, *Lipsiæ 1715. 4.* Pleraque ex Bibliothecis ante iam editis hausit, ita, vt eadem cum ipsis iudicaret de Scriptoribus, nec satis perfecta. Facit huc etiam EVCHARII GOTTLIEBII RINKII *Programma inaugurale*, dum Iuris publici professionem auspicaretur, *Altdorfi 1709. 4.* in quo de plerisque ad Ius publicum pertinentibus Scriptoribus egregie iudicat, & IOA. CHRISTIANI SCHELLII *Oratio inauguralis de ortu & progressu doctrinæ Imperii Germanici Lipsiæ 1709. 4.* Licet hic præter generales Iuris publici Scriptores parum adducat. Cum autem inter Scriptores Iuris publici plures reperiantur personati & anonymi, hos detexit IOA. DECKHERRVS in *Coniecturis de Scriptis adespotis, Pseudepigraphis & supposititiis, Amstelodami 1686. 12.* Has Coniecturas supplet ex parte *Dialogus* ipsius de *Iactura temporis* qui *Consultationum Forensium* Libris duobus est adiectus & VINCEN- TIVS PLACCIVS in *Theatro Pseudonymorum atque Anonymorum*, quod locupletius longe prodiit *Hamburgi 1708. f.* Insignem Iuri Publico lucem adfundunt, de illustrium Controuer- siis editæ, vt vocant, *Iurium Deductiones*, quæ plerumque pertraxerunt sunt. Harum copiosum catalogum dedit amplissimus & diligentissimus Vir IOA. CHRISTIANVS LÜNIGIVS in *Bibliotheca curiosa deductionum, Lipsiæ 1717. 8.* edita.